

妙法蓮華經。隨喜功德品。

第十八

爾時彌勒菩薩摩訶薩。白
佛言。世尊。若有善男子。
善女人。聞是法華經。隨
喜者。得幾所福。而說偈
言

世尊滅度後。其有聞是經
若能隨喜者。為得幾所福
爾時佛告。彌勒菩薩摩訶
薩。阿逸多。如來滅後。

若比丘。比丘尼。優婆塞。
優婆夷。及余智者。若長
若幼。聞是經。隨喜已。
從法會出。至於余處。若
在僧坊。若空閑地。若城
邑巷陌。聚落田里。如其
所聞。為父母宗親。善友
知識。隨力演說。是諸人
等。聞已隨喜。復行轉教。
余人聞已。亦隨喜轉教。
如是展轉。至第五十。阿

逸多。其第五十。善男子。善女人。隨喜功德。我今說之。汝當善聽。若四百萬億。阿僧祇世界。六趣四生衆生。卵生。胎生。濕生。化生。若有形。無形。有想。無想。非有想。非無想。無足。二足。四足。多足。如是等在。衆生數者。有人求福。隨其所欲。娛樂之具。皆給與

之。一一衆生。与滿閻浮
提。金銀。瑠璃。碑磬。
碼碯。珊瑚。琥珀。諸妙
珍寶。及象馬車乘。七宝
所成。宮殿樓閣等。是大
施主。如是布施。滿八十
年已。而作是念。我已施
衆生。娛樂之具。随意所
欲。然此衆生。皆已衰老。
年過八十。髮白面皺。将
死不久。我当以佛法。而

訓導之。即集此衆生。宣
布法化。示教利喜。一時
皆得。須陀洹道。斯陀含
道。阿那含道。阿羅漢道。
盡諸有漏。於深禪定。皆
得自在。具八解脫。於汝
意云何。是大施主。所得
功德寧為多不。彌勒白
言。世尊。是人功德甚多。
無量無邊。若是施主。但
施衆生。一切樂具。功德

無量。何況令得。阿羅漢
果。仏告彌勒。我今分明
語汝。是人以一切樂具。
施於四百万億。阿僧祇世
界。六趣衆生。又令得阿
羅漢果。所得功德。不如
是第五十人。聞法華經一
偈。隨喜功德。百分。千
分。百千万億分。不及其
一。乃至算數譬諭。所不
能知。阿逸多。如是第五

十人。展轉聞法華經。隨
喜功德。尚無量無邊。阿
僧祇。何況最初。於會中
聞。而隨喜者。其福復勝。
無量無邊。阿僧祇。不可
得比。又阿逸多。若人為
是經故。往詣僧坊。若坐。
若立。須臾聽受。緣是功
德。轉身所生。得好上妙。
象馬車乘。珍寶輦輿。及
乘天宮。若復有人。於講

法處坐。更有人來。勸令坐聽。若分座令坐。是人功德。轉身得帝釈坐處。若梵天王坐處。若轉輪聖王。所坐之處。阿逸多。若復有人。語余人言。有經名法華。可共往聽。即受其教。乃至須臾間聞。是人功德。轉身得與陀羅尼菩薩。共生一處。利根智慧。百千萬世。終不

瘖。啞。口氣不臭。舌常無病。口亦無病。齒不垢黑。不黃不疎。亦不欠落。不差。不曲。唇不下垂。亦不寒。縮。不麤。洪。不瘡。胗。亦不欠。壞。亦不喎。邪。不厚。不大。亦不齧。黑。無諸可惡。鼻不匾。匱。亦不曲戾。面色不黑。亦不狹長。亦不窳。曲。無有一切。不可喜相。唇舌牙齒。悉皆

嚴好。鼻修高直。面貌円満。眉高而長。額広平正。人相具足。世世所生。見仏聞法。信受教誨。阿逸多。汝且觀是。勸於一人。令往聽法。功德如此。何況一心。聽說誦誦。而於大衆。為人分別。如說修行。爾時世尊。欲重宣此義。而說偈言
若人於法會 得聞是經典

乃至於一偈
如是展轉教
最後人獲福
如有大施主
具滿八十歲
見彼衰老相
齒疎形枯竭
我今应当教
即為方便說
世皆不牢固
汝等咸应当

隨喜為佗說
至於第五十
今當分別之
供給無量眾
隨意之所欲
髮白而面皺
念其死不久
令得於道果
涅槃真實法
如水沫泡焰
疾生**厭**離心

諸人聞是法 皆得阿羅漢
具足六神通 三明八解脫
最後第五十 聞一偈隨喜
是人福勝彼 不可為譬諭
如是展轉聞 其福尚無量
何況於法會 初聞隨喜者
若有勸一人 將引聽法華
言此經深妙 千萬劫難遇
即受教往聽 乃至須臾聞
斯人之福報 今當分別說
世世無口患 齒不疎黃黑

唇不厚褰欠

無有可惡相

舌不乾黑短

鼻高修且直

額広而平正

面目悉端嚴

為人所喜見

口氣無臭穢

優鉢華之香

常從其口出

若故詣僧坊

欲聽法華經

須臾聞歡喜

今當說其福

後生天人中

得妙象馬車

珍寶之輦輿

及乘天宮殿

若於講法處

勸人坐聽經

是福因緣得

積梵轉輪座

何況一心聽
如說而修行

解說其義趣
其福不可限